



## BELIEVERS EASTERN CHURCH

Office of the Metropolitan, Synod secretariat, St. Thomas Community, Thiruvalla, Kerala, India

### गुमगानि लाइजाम

May/June 2023

बयबो आर्सबिसप आरे बिसपफोर, दौरि आरे डीकन फादार, इबानजेलिस्ट आरे अर्डर अफ सिस्तार्स आरे मुलुगनां बिलिबार्स ईस्टार्न सार्चनि फोथायारि बयनोबो बिफा, फिसा आरे गोथार जिउनि मुडाव बोर आरे गाहाम हामग्लायनायखौ जासिहरनाय थाबाया। अमेन! ✝

खीस्ट 'नियाव अनजाग्राफोर,

दायो जों पेन्तेकस्तनि बोथोराव दं। बेनो बोसोरनि मोनसे सम जाय समाव गिर्जानि फोथायारिफोरा बै जाथायखौ गोसोखाड्डो जेराव गोजौनि खथायाव थानाय सेलाफोरनि सायाव गोथार जिउआ हरजादोंमोन आरे जोंनि जिउआवबो गोथार जिउजों गोहो होजानायनि थाखाय आर'ज खालामो। थोरहरजानाय बिजाबनि 1:8 आव बेखौ बुनाय दं दि गोथार जिउआ फोरबु जिसु खीस्ट 'नि थाखाय साखिं जानो जोंनो बोलो होयो। जोंनि जिउआव फोरबु जिसु खीस्ट 'नि थाखाय जों साफ्रोमबोआ माबै गोहोम गोनां साखिफोर जानो हागौ बेनि बागै गोसोआव लाबोनो आं बे समखौ लानो सानदां।

**न'आव सानफ्रोमबो आर'ज खालामनायः** सानफ्रोमबो न'खर आर'ज खालामनाया जोंनि गिर्जानि हारिमु आरे सोलिबोनाय हुदानि मोनसे बाहागो। बुनो थाडोब्ला, नोथांमोना, बेखौ माबै खालामनांगौ बेनि बागै गांसे बिजाबसाखौ थाबै मोनगोन। जोंनि बै आर'ज खालामनाय समाव, जों जोंनि बिन्दो आरांगा सायाव ममबाथिबो सावो। जिसुआदि संसारनि स्नां बेखौ गोसोखांनो जों बे खामानिखौ मावो (सादु जहन 8:12), नाथाय बेबोदि जोडो संसारनि स्नां (सादु माथाइ 5:14-16)। जेब्ला नोंथांमोननि न 'सुंसेनि मानसिफोरा नोंथांमोनखौ आर'ज खालामो होत्रा मिथि मोनो, बिसोरो थारैनो गावसोरनि बाइदि बाइदि नानायफोर जेरै लोमजानाय गथ', आनजाद लिरनो गोनां गथ', एबा माखासे गुबुन जेंनाफोरखौ लाना नोंथांमोननिसिम फैगोन। बेबादियै नोंथांमोना जिसुनि थाखाय साफा साफा जानो हायो।

जोंनि बुनाय आरे मावनायफोरनि गेजेरजों बिनि अन्नायनि बागै मानसिफोरनो खोनथानायजों फोरबु जिसु खीस्ट 'नि थाखाय साखि जानो जोडो लिहरजानायफोर। बेखौ मावनो हानाय मोनसे राहायानो जाबाय गिर्जा आरे समाजखौ सिबिनो लाइमोन सेंग्रा आरे सिख्लाफोरखौ थोनहरनाय। जोंनि सिस्तार्स अफ कमपासननि बिनानावफोरा बैफोरबादि सुबुंफोरखौ हेफाजाब होनायजों बेखौ मावो जायफोरा गोरिब, बालन्दि, लामा सामायाव थानानाय गथ'फोर, बावगारजानायफोर, खुरिया रग गोनांफोर, आरे गुबुन गोबां। नोंथांनि सासेसो फिसाजोआ गोथार गिर्जानि सासे सिस्तार्स अफ कमपासन जानो ईसोरजों सायख'जानाय बादि नोंथाडा आर'ज खालामनो हागौ ने? आर'ज खालामदि नोंथांमोननि गिर्जानि सासेसो लाइमोन बिनानावा ईसोरखौ सिबिनो थांखि लायो। जोंनि लाइमोन सेंग्राफोरा गोथार

गिर्जानि थाखाय दैरिफोर, गाहाम बाथा खोन्थाबायग्राफोर, आरो मिसनारिफोर जानायजों आत्मिक नांनायखौ सुफुन्नानै समाज सिबिनो हागौ। आर'ज खालामदि गोथार गिर्जाखौ सिबिनो ईसोरा नोंथांनि बबेबा सासे हौवासा गथ'खौ लिंहरो। नोंथांनि न'खर आरो पारिसआव थानाय लाइमोन सेंग्राफोरनि थाखाय आर'ज खालाम जेन' ईसोरआ गोथार गिर्जानि गेजेरजों गावखौ सिबिनो बिसोरखौ लिंहरो। गिर्जा आरो समाज सिबिनो जोंनि लाइमोन सेंग्रा आरो सिख्लाफोरखौ थोनहरनायनि फै जों बावसोमनाय गोनां बिथाखि लानि।

खीस्ट'नियाव आंनि अनजाग्रा फिसाफोर, अन्नानै बेखौ गोसोआव लाखि दि जुदि जों फोरबुनि थाखाय आरो बिनि साखि जानो थांना थायो, नासयजानायानो जा, गोरोन्थि बुजिजानायानो जा, एबा गुबुन जेनाफोरानो जा, जों सैनांनायफोरनि गेजेरजों थांनो गोनां जागोन। “फोथायनायजोंल” नडा, सैनायजोंबो खीस्ट'खौ दाव दाव खालामनो नोंसोर खाबु होजाबाय” (फिलिपियारि 1:29)। अन्नानै, जेनाफोर आरो सैनांनायफोरखौ खीस्ट'निफ्राय मोन्नाय दानफोर बादि सान जाय राहाजों बियो जोंनि जितआव गावनि इस्साखौ जाफुंहोगोन आरो गावनि दयायाव बाहागो मोनफानाय खालामगोन।

जेरै जों खालामबोदों, फै जों जोंनि दैदेनगिरिफोर आरो जोंनि हादर, रायजो, आरो नसुंसेफोरनि थाखाय आर'ज खालामनि जेन' बयबो जैजै मैमै थासारिया खामिनो हायो।

जोंनि जितमाया जेरै, जों गासैबोआव मोजां मावनो हानाय जाथों आरो देहायाव गुफुं जाथों (3 जहन 1:2), आरो गोथार जितआ ईसोरनि थाखाय सानफ्रोमबोआव सोलिनो जोंनो गोहो होथों।

गोथार गिर्जानि सिबिनाय हाबायाव,

खीस्ट'नियाव नोंथांनि बिफा

+Athurym

आथानेसियास यहान सेथि मेट्रपलिटान

अक्त': 12 मे 2023

थावनि: गोथार सिनड

---

**बिथोन:** अन्नानै रोखा खालामदि फोथायारिफोरखौ थुलुंगा होनायनि थाखाय गंफ्रोम गिर्जाफोराव बेयो फरायना होजायो।